

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
JU PEDAGOŠKI ZAVOD UNSKO-SANSKOG KANTONA
Etičko tijelo za multidisciplinarna istraživanja

Na osnovu Odluke Vijeća Ministara Bosne i Hercegovine broj:146/13 od 28.05.2013. godine o usvajanju Etičkog kodeksa istraživanja sa djecom i o djeci u Bosni i Hercegovini broj („Službeni glasnik BiH“, broj:59/2013), Etičkog kodeksa istraživanja sa djecom i o djeci u Bosni i Hercegovini i Rješenja o imenovanju Etičkog tijela JU Pedagoški zavod Unsko-sanskog kantona broj: 02-04-372-1/23. od 28.04.2023. godine, Etičko tijelo JU Pedagoški zavod Unsko-sanskog kantona, d o n o s i:

**POSLOVNIK
O RADU ETIČKOG TIJELA ZA MULTIDISCIPLINARNA ISTRAŽIVANJA**

Član 1.

Ovim Poslovnikom uređuje se način rada i osnovni principi djelovanja Etičkog tijela.

Član 2.

U svom radu Etičko tijelo je obavezno pridržavati se principa, prava i obaveza sadržanih u Etičkom kodeksu:

- (a) etičkog principa;
- (b) principa poštivanja ljudskih prava, sloboda i dostojanstva lica;
- (c) principa zaštite dobrobiti učesnika u istraživanju;
- (d) principa odgovornosti u slučajevima moralnih dilema;
- (e) principa zaštite integriteta rezultata istraživanja i istraživača.

Član 3.

U multidisciplinarnim istraživanjima, Etičko tijelo procjenjuje kompetentnost odgovornih istraživača za sprovođenje istraživanja sa djecom i o djeci.

Član 4.

Etičko tijelo utvrđuje obim i intenzitet primjene etičkih principa tokom pripreme za istraživanje i u formi mišljenja daje saglasnost za sprovođenje istraživanja prije nego što ono započne, odnosno, istraživanje ne smije početi bez prethodne saglasnosti Etičkog tijela.

Član 5.

Etičko tijelo će po okončanju procedure ocjene etičnosti istraživanja dostaviti direktoru Zavoda i nadležnom ministarstvu svoje mišljenje o ne/davanju saglasnosti po svakom pojedinačnom zahtjevu za istraživanje koje zaprimi.

Član 6.

Etičko tijelo će voditi evidenciju o podnesenim, odobrenim i odbijenim zahtjevima.

Član 7.

Etičko tijelo će dizajnirati obrazac za prijavu istraživanja i učiniti ga dostupnim svim istraživačima putem zvanične web stranice JU Pedagoški zavod Unsko-sanskog kantona.

Član 8.

Prethodna saglasnost za istraživanje

- (1) Istraživač podnosi zahtjev Etičkom tijelu jedne od nabrojanih institucija nadležnom Zavodu.
- (2) Obrazac za prijavu predlažu institucije iz prethodnog stava, uz konačnu saglasnost resornog ministarstva.
- (3) Izuzetno od stava 1. i 2. u slučajevima medicinskih istraživanja, istraživač je dužan dobiti saglasnost za istraživanje etičkog tijela nadležne zdravstvene ustanove i etičkog tijela institucije nadležne za zdravstvo (Republike Srpske, Federacije BiH, kantona u Federaciji BiH i Brčko Distrikta) ukoliko isti postoje, a saglasno propisima iz oblasti zdravstva.
- (4) U multidisciplinarnim istraživanjima, Etičko tijelo procjenjuje kompetentnost odgovornih istraživača za provođenje istraživanja.
- (5) Etička tijela vode evidenciju o podnesenim, odobrenim i odbijenim zahtjevima.
- (6) Etička tijela su dužna obavijestiti nadležna ministarstva, odnosno odjeljenja za oblasti kojima se istraživanje bavi.

Etičko tijelo će u obrascu za prijavu ili u usmenom razgovoru sa aplikantima (istraživačima) posebnu pažnju posvetiti pitanjima sadržanim Etičkom kodeksu (2.1.4. *Preliminarna pitanja*).

Član 9.

U ocjeni etičnosti istraživanja, Etičko tijelo će se između ostalog naročito rukovoditi slijedećim principima:

- (a) nije dopušteno istraživanje koje može rezultirati rizikom sa posljedicama fizičkih ili psihičkih povreda ispitanika (djece);
- (b) u multidisciplinarnim istraživanjima je potrebno primjenjivati principe svjesnog i informisanog pristanka ispitanika (za uzrast djece sa 15 i više godina) ili roditelja/staratelja za uzrast djece do 15 godina, te štititi njihova prava i dostojanstvo;
- (c) tokom istraživanja i u prikazu rezultata istraživanja nužno je osigurati privatnost ispitanika (djece);
- (d) tokom provođenja istraživanja treba izbjeći svaku moguću štetu koju bi istraživanje eventualno moglo prouzročiti na predmetima istraživanja;
- (e) u planiranju, realizaciji i izvještavanju o istraživanjima, potrebno je na najmanju moguću mjeru svesti mogućnost pogrešnog tumačenja rezultata, i nije dopušteno podešavanje ili tendenciozno tumačenje rezultata istraživanja;
- (f) istraživač je dužan na njihov zahtjev izvjestiti same učesnike istraživanja o rezultatima istog, na način koji je primjeren starosnoj dobi i zrelosti učesnika.

Član 10.

Predsjednik Etičkog tijela po potrebi saziva i vodi sjednice, te nakon završetka sjednice u pismenom obliku dostavlja mišljenje direktoru Zavoda i resornom Ministarstvu.

Član 11.

Glasanje na sjednicama je javno, a odluka se donosi većinom glasova svih članova Etičkog tijela.

Član 12.

Na sjednicama Etičkog tijela se vodi zapisnik koji potpisuju svi članovi, i zapisnik se čuva u arhivi predmeta dok se u dalju proceduru dostavlja samo mišljenje o ne/davanju saglasnosti na predmetno istraživanje.

Član 13.

Etičko tijelo je za svoj rad odgovorno direktoru JU Pedagoški zavod Unsko-sanskog kantona.


Član 14.

Ovaj poslovnik stupa na snagu danom donošenja i objavit će se na zvaničnoj web stranici JU Pedagoški zavod Unsko-sanskog kantona.

Član 15.

Ovim Poslovníkom se stavlja van snage Poslovnik o radu etičkog tijela za multidisciplinarna istraživanja broj: 02.2-338-1/15. od 18.09.2015. godine

PREDSJEDNIK ETIČKOG TIJELA
Mr.sc. Fuada Cerić, stručni savjetnik



Broj: 03-02-380-1/24

Datum: 15.05.2024. godine